



麻疹良方 吉田旭菴著 全

94
1062



109
1062

麻疹良方序

麻疹之流行于世也其間相去以十七八年
或二十三四年為甚焉故醫士之療麻疹者
自非宿老高年則值之僅僅乎無何矣夫人
命也者至重也治療也者大任也以故規矩
不可不正整焉方論亦宜精密也且也先人
嘗有謂古來麻疹之治法無有專門之書多
列痘瘡之後故無盡其善美焉惟準繩與醫



91-1836

通最為審雖然主張三陰三陽五行生剋之說之故使後進不得一見而決其意也信哉此言也於是余雖不敏恆從事於斯更尋論先賢明鑿之成蹟披其治驗輯為一書名曰麻疹良方公之於海內欲使後學為治麻疹之一助云爾

寬政八丙辰仲春 旭菴吉田元維隆見撰

麻疹良方目次

- 總論
- 解熱
- 氣弱 附淡白
- 衄血 附諸血症
- 小便不利
- 痢疾
- 渴
- 發表 附痘疹夾斑
- 消毒 附沒早暗黑 丹攻
- 發汗
- 便秘
- 泄瀉
- 嘔吐
- 咳嗽 附啞

麻疹良方 目次 界書局藏

喘附氣促

咬牙

眼目

鼻

牙齒

浮腫

腹痛

婦人熱入血室

搐搦

咽喉

耳

口唇舌

驚悸

不食

調理

妊娠附護胎

餘毒發癩

飲食禁誡

順不順輕重不治之辨

凡例

一諸方悉因原本而採之於各方下記其書名
偶從末書者有據治驗故也

一方名同而有藥品異者有同方而名異者又
有一方而品味出入者俱於各方後辨之

麻疹良方
一方中之某名原本如用異名今改從易通或於各某之下辨之
一近世諸名家之方法及自家經驗之加減等相俱撰載而備一助耳
一所載方中如加味四物湯香砂異功散等雖出處未詳徃々流布于世而經驗亦頗多故今採錄之方下無書名者皆此類也
凡例終

麻疹良方

東武 吉田隆見編

○總論

麻者形似麻子故名之疹者肌膚之小瘡也其初發熱頭痛乾咳頻出呵欠噴嚏多淚咽痛或嘔噦微汗氣粗身體酸痛小便赤澀或泄瀉甚者壯熱如灼眼目赤唇口乾燥舌胎赤焦大渴引飲大便秘結謔言妄語搖擗躁亂或咬牙鼻



總論

衄狀相類傷寒矣其發也遍身紅赤形如蚊刺
又如錦紋漸成粒如細麻子隱々在肌膚內先
出腹及股腋內股之處次出頭面背脊及手足
外面此其證也蓋痘瘡者陰病也故有漿而成
膿成痂其本屬血分焉治方宜溫補裏實也涼
解攻裡隨時宜矣麻疹者陽病也故唯發熱成
粒而無漿其本屬氣分焉治方多寒涼疎散為
先滋潤以次之忌謾用溫補劑也若誤投之則

補住邪氣却生許多他症竟至不可救豈不戒
乎是以麻疹之治方大都不出于發表解熱消
毒之三矣麻疹者本陽病邪熱暴烈增進太甚
於傷寒也故其毒之害人亦急也治療有一毫
違則災害不測不可不慎焉治方得的中之
劑則諸症悉退七八日而當復平也疹收而後
餘邪不退却而生他症引日而如不愈者多因
誤治之弊也庸醫之徒謾曰用溫補之藥而得

屢効也予謂若有得効者是必非的中之主治
幸而免者也然當冬月天寒之時則隨時氣可
用辛溫之劑是則權道也亦不可不弁焉也余
家業醫四世自元祿中至安永中記療麻疹之
經驗已五次其中與溫補劑得効者僅不過三
十矣而觀投其溫補者其人多稟賦虛弱或瘧
痢大病後元氣未復故等而不可全施正治者
也後來醫生其思諸

有一老醫曰麻疹之治法無溫補也余謂是亦
必難以一概論定何則人有有餘不足病有寒
熱表裏時有冷暖寒暑而日夜轉變不可定又
有似寒而熱者有似熱而寒者不可不辨焉醫
生宜恆審三診十候三診者寸口跌陽腹部也
寸口者非世所謂寸口以
三部為寸口跌陽者跗上動脈也腹部者即腹
診也十候者顏色声音呼吸飲食口舌眼目巨
裡二便起居
寐寤也照考病家所告之痛苦病態而處
劑投藥若此則百發百中無有一失神奇妙筆

麻疹良方
響如應聲也故醫之工拙惟在方症相對與不相對也必勿溺於所聞膠柱而害人生焉
聖濟總錄曰毒微者其邪在府發為細疹形如蚊喙所螫點赤色俗號疥瘡甚者其邪在藏發為豆瘡狀如豌豆根赤頭白穴出膿水俗號疱瘡皆於未發之時先蒸熱如傷寒也余按痘與疹其本不同治療亦冰炭相反痘瘡者雖一般流行免者亦不少也麻疹者衆人一般無不傳

深者偶有免者萬人中一人耳豈可為軌則乎然則痘與疹非有輕重之差已病根之異果明也矣或人曰府當作層毒淺而在肌膚者發為疹毒深而潛藏者發為痘故不可謂病根不一也余曰一毒以淺深為痘為疹則若先痘瘡多發者肌膚之淺毒消而不可發麻疹焉然雖痘後亦患則其本必不一矣若其本一則當痘瘡流行之時而麻疹亦可交行而未嘗有並行者

何也是其本不一故也

證治準繩曰痘前之疹曰奶疹子痘後之疹曰正疹子也余按以痘前痘後麻疹之症候無有差別治療亦無異考必不可拘泥焉

景岳全書曰疹在痘前者痘後必復疹惟痘後出疹者方為結局也余徃值安永中流行視數百人之麻疹未見以痘前痘後再發者所謂再發者是必非麻疹疑癩疹風疹之類乎世多有

誤認水痘為痘瘡後至患痘為再病者不可不詳弁也

痘疹起本俱雖不可確論不得已而論之則痘瘡者因地氣之薰蒸而發胎內所畜之血穢也麻疹者感時氣之流行而發先天所含之濁氣也故痘瘡者屬血是以有漿而為痂或患或免麻疹者屬氣故成粒而無漿一般而無有免者又痘瘡者由風土之異而殊有無此疾之處如

肥州大村、豆州八丈島等是也。不可不辨焉。然此篇專要弁麻疹如痘姑讓干痘瘡活法云。準繩曰：麻疹浮小而有頭粒，隨出即收，不結膿。痘北人謂之糠瘡，南人謂之麩瘡，吳人謂之痧。越人謂之瘡，古所謂麻聞人氏所謂膚疹是也。景岳曰：疹在蕪松曰沙子，在浙江曰醋子，在江右湖廣曰麻，在山陝曰膚瘡，曰糠瘡，曰赤瘡。在北直曰疹子，名雖不同，其證則一也。

麻疹與風疹、癩疹及癩斑不同。麻疹者，周身稠密，遍體粟起也。風疹、癩疹者，癩如雲片而不稠密，癩瘡頻而不寧也。癩斑者，形如錦紋而不成粒，色赤者輕，黑者重也。是所以為異也。聖濟總錄疹作疹，古字也。

麻疹良方

○發表附痘疹夾出 夾斑

麻疹初起發熱頭痛面赤鼻氣粗咳嗽噴嚏呵欠咽痛多淚或嘔或微汗身體酸痛小便赤澀者宜外麻葛根湯或可撰用葛根解肌湯清熱透肌湯宣毒發表湯排毒劑等之類見雜症者隨症而加減

• 外麻葛根湯局麻疹初起輕症通用之神劑

發表

外麻

葛根

芍藥各三分

甘草一分

加防風

桔梗

各一分

右水煎溫服

○冬月天寒加麻黃紫蘇當歸○夏月大暑
 加黃芩麥門冬竹葉○疹出色淡白加當歸
 川芎生地○疹出遲則加山查子○熱甚者
 加黃芩山梔子木通竹葉○大便瀉下者加
 黃芩芍藥山梔○二便閉合黃連解毒湯加
 生地牡丹皮○小便閉加木通地膚子車前

子黃栢○有疹加貝母瓜蒌仁陳皮○吐血
 下血便血加山梔子黃連生地或犀角○謔
 語煩亂合黃連解毒湯○渴者加麥門冬天
 花粉○大渴煩燥者合白虎湯○有積聚妨
 飲食吐酸食者加莪朮青皮三稜枳櫛子黃
 土香附之類○吐衄兼用烏梅山柝枳櫛子
 各等分水煎○疹有五六日絕食於棗中入
 白米一匕煎○疹出而忽發大寒熱嘔吐危

急之症必有交毒疔也加菊花一兩白芷蟬退發休蒼草各半兩○麻疹無故卒死者取三陽五會即百會也

● 瀉白消毒散準繩麻疹初起輕症咳者主之

地骨皮 桑白各三 牛旁子炒 荆芥一

桔梗 甘草各一 薄荷二 右水煎

● 葛根解肌湯通醫治麻疹初起發熱或乍涼乍

熱者 葛根 前胡 荆芥

牛旁子 連翹 芍藥 蟬退

木通各等 甘草少 右九味水煎溫服

● 清熱透肌湯同治麻疹未透熱甚或咳者

玄參 石膏 荆芥 防風

牛旁子 前胡 葛根 杏仁各水

甘草少 右九味水煎

● 宣毒發表湯活幼治麻疹初發熱欲出未出者

升麻八分 白粉葛八分 桔梗 防風各五分

荆芥 薄荷 甘草 鼠粘子

連壳 前胡 枳壳 木通

竹葉 右十三味水煎○天氣大熱加黃

芩○大寒加麻黃

痘疹俱雖曰胎毒未有不_下由天行厲氣而發者

故用茶必可明時氣也誤作傷寒不可治之

●防風解毒湯準時如溫暖茶宜辛涼

防風 薄荷 荆芥 石羔

知母 大力子 桔梗 甘草

連壳 木通 枳壳 竹葉

燈心草 右水煎服

●黃連解毒湯同時如暄熱茶宜辛寒

防風 黃連 黃芩 黃柏

山梔子 甘草 荆芥 知母

石羔 大青 玄參 桔梗

木通 右水煎○痘科鍵無大青有大力

子其功最好

● 桂枝解毒湯同時如大寒茶宜辛温

桂枝 麻黄 芍药 防风

荆芥 羌活 甘草 桔梗

人参 川芎 牛旁子 生姜水煎

● 升麻解毒湯同時寒時暖茶宜辛平

升麻 葛根 羌活 人参

牛房子 苕胡 前胡 甘草

桔梗 防风 荆芥 竹葉

芍药 連壳 右水煎

以上四方者因時而用茶之大概也雖然如冬月亦有不_下宜麻桂而宜石羔者必不可_上拘泥不知變通則亦有失矣

● 排毒劑說麻疹初起發熱頭痛身体疼痛者主之麻痘傷寒疑似之間用之而佳

茯苓 獨活 各大 桔梗 川芎 各中

枳壳

前胡 各小甘草少

加升麻葛根

弥佳也

右水二合煮取一合分温二服

發熱六七日以後疹子却不出多依皮膚頑厚
睽理閉密又或為風寒襲之急可與托裏發表
之劑宜麻黃湯如一向不更衣者毒為在裏而
不出也速可疎通

●麻黃湯準

麻黃

升麻

牛旁子

蟬殼

去足翅

甘草

各一

右五味加臘茶葉一匙水一盞煮

取七分去查服○煩渴加石羔四匙○痘科

鍵無甘草有人中白名加味升麻散

●檉葉散

同治同前

檉葉一味青茂時採之曬乾為末每服一二

匙以茅根湯調下

檉和俗曰御柳也

●麻黃杏仁甘草石羔湯傷寒治氣粗喘息腹中

脹痛煩擾不寧而疹不得出者

麻黃 杏仁 甘草 石羔

右四味

●越婢湯金匱治同上

痘与疹夾出者麻毒解而後痘瘡自然起發矣

●化斑湯通治痘与疹夾出者

玄參二錢 大力子一錢 苈胡八分 荆芥

防風各六分 連壳七分 木通八分 枳壳

蝉退各五分 甘草四分 燈心廿莖 竹葉十片

右十二味水煎温服

痘疹夾斑出者有紅赤點而無頭粒亦有夾丹而出者紅赤成片如雲頭突起矣俱宜後方

●玄參外麻湯活痘疹夾斑及丹者主之

玄參 外麻各二錢 甘草八分 防風

荆芥 牛房子各六分 右水煎○痘

夾疹者加桔梗黃芩各六分

○解熱

解熱

疹非熱則不得出熱非出疹則不得解疹出則熱解諸症自除也疹出而熱不退者非吉兆急可與解熱劑不然則發大渴煩燥大便閉結或謔言妄語悶亂不寧速可撰用大青湯黃連解毒湯白虎湯涼膈散竹葉石膏湯涼血飲子等之類

●黃連解毒湯外臺治熱盛而謔言錯語燥亂者

黃連

黃芩

黃柏

山梔子

右水煎○或加連壳

●白虎湯傷熱大甚煩渴引飲者主之

石膏

知母

粳米

甘草

生姜 右水煎服○或頭粒隱々紅紫而

不透表者加荆芥玄參

●大青湯準治斑疹熱毒或疹出色大紅或帶

微紫者此熱毒盛也此湯主之

即白虎湯去粳米加大青玄參木通生地黃



荆芥竹葉地骨皮

●竹葉石羔湯傷治壯熱不退者短氣煩燥謔

言妄語或渴者

竹葉 石羔 半夏 人參

甘草 麥門 粳米 一方有山梔

右七味水煎米煮熟而去滓温服

●白虎解毒湯壽治疹已出謔語煩燥作渴者

石羔 知母 黃連 黃芩

黃栢 梔子 甘草 右水煎

●涼膈散局治麻疹熱毒熾盛或大便結實者

連壳大 山梔 大黃 黃芩

薄荷 硝石各中 甘草少

右水煎○医通有桔梗

●涼血飲子通治表裡熱熾盛或血氣錯亂見

諸血症者 生地一钱 黃連五分

黃芩 荆芥 玄參各二 紅花三分

消毒

芍藥

牡丹

木通

各八分

右九味水煎溫服

○消毒

附紫赤暗黑

沒早

內攻

消毒有二內攻與多毒也宜詳審其症初起有
衄者毒從衄而解有汗者毒從汗而去有瀉者
毒從瀉而減熱解則毒從熱而散也疹毒作害
多因解熱不足而已
疹出色紫赤暗黑者毒熾盛也可撰用黃連解

毒湯白虎湯涼膈散涼血飲子之類疹頂粒起者可治

●六一散宣明治疹色紫赤暗晦乾燥火盛毒熾

者

滑石

飛過六兩甘草 一兩

右俱細末服小兒一錢大人二錢

●大青湯鍵料治同前

大青

玄參

桔梗

知母

升麻

石羔

木通

人中白

梔子 右水煎燒人糞入之○如便秘者
加酒大黃

●玄參解毒湯 同治疹出色大赤或帶微紫者

玄參 黃芩 山梔 桔梗

甘草 生地 葛根 荆芥 各等分

右水煎○便秘兼用三黃丸 方在便秘

●化毒清表湯 活疹已出而紅腫大甚宜用之

牛房子 連堯 天花粉 地骨皮

黃連 黃芩 山梔子 知母

乾葛 玄參 桔梗 前胡

木通 甘草 薄荷 防風

右下六味水煎○口渴加麥門石羔○大便

濇加酒大黃

疹多干耳後項上腰腿先見頂尖而不長形小
而勻淨者吉色紅者輕症也宜後方

●化斑湯 鍵

人參

知母

石膏

連克

升麻

地骨皮

甘草

糯米

竹葉

牛房子

右水煎以米熟為度

麻疹既出見一日而又沒者乃為風寒所襲麻毒內攻也急可與消毒飲熱退而遂安不然則煩燥悶乱而至危急之症

●消毒飲局

牛房子

炒

荆芥

甘草

加防風

右水煎一方有生姜○或加葱白熱服○甚者加麻黃穿山甲○或合升麻湯熱服疹復出而安矣

遍身青紫熱腫喘脹氣急此毒滯血凝以涼膈散去硝石加麻黃石羔急投之疹沒而遍身搔痒者多露風早故也宜後方

●消風散通

川芎

羌活

防風

荆芥

氣弱

藿香

人參

茯苓

強蝨

蟬退

各等分

甘草

橘皮

厚朴

各減半

右水煎溫服

●消毒飲 加蟬退○痘疹癢者甚効

○氣弱 附淡白

疹出色淡白者將氣血虛弱也宜撰用滋潤溫補之藥

●養榮湯 鍵 治疹色淡白或皮膚無潤澤者

人參

當歸

紅花

芍藥

甘草

右水煎溫服○加桂最効

●四物加桂湯 治疹色淡白者血分不足者

●養血化斑湯 準 治疹色淡白

當歸

生地黄

紅花

蟬退

人參 各等分

右水一盞生姜一片煎六分

●加味四物湯 治疹已出過三日而不能沒者或疹出色白或見諸血症亡血者主之

依本方加萎蕤牡丹玄參犀角升麻

○汗

初起汗出者毒從汗而散有衄者毒從血而解
俱不可遽止若汗太多血不止者液與血妄行
而致亡陽乾燥患先可與當歸六黃湯

●當歸六黃湯 鍵

當歸 黃芩 黃連

黃栢 生地黃 熟地黃 各等分

右加浮小麥一撮水煎○準繩無熟地黃有

麥門冬而名黃連湯効最好

張氏曰此症與越婢湯及三拗湯

○衄血 附諸血症

初起有衄血者順候也熱毒從血而解散諸血
症甚亡血者隨症投劑

○三黃瀉心湯 傷衄血及諸血症主之

黃連 黃芩 大黃 加地黃

衄血

麻疹良方

衄血良方

右水煎或熱湯振出用○名三黃加地黃湯
犀角地黃湯金十諸血症甚者主之

犀角一錢 生地八錢 牡丹二錢 芍藥三錢

右水煎○喜忘如狂者加大黃二錢 黃芩三錢

犀角解毒湯世壽治麻疹諸血症熱甚者

依前方合黃連解毒湯

茅花湯錢止血方

茅花 當歸 丹皮 生地

甘草各等分 右水煎○或加玄參百草霜○隼

繩無當 丹皮 甘草有鬱金山梔子黃芩

加味四物湯春治疹家血症屬虛者或潮熱

不退者 當歸 川芎

芍藥 生地 麥門 陳皮

牡丹 犀角 右水煎溫服○咳嗽加

瓜蒌○有痰加貝母桑白皮

潤涼劑說治疹後諸血症荏苒而不止或咳

麻疹良方

衄血良方

便秘

嗽者

茯苓

天花粉

各等分
大黃 芩

知母

阿膠

各中甘草小

生姜

右水二合煮取一合分温二服

○便秘

麻疹自初發大便閉者平常也速不疎通則毒不得開洩可撰与以下方中

●四順清涼飲通麻疹便秘非所宜速用此湯

通利之

當歸

芍藥

甘草

大黃

酒炒各等分

右水煎入生蜜一匕

熟服○正宗有恙活防風連壳黃連山梔

●涼膈散

便秘甚者生之

方在上

●三黃丸

黃連

黃芩

大黃

各等分

右糊丸

○小便不利

麻疹已出或未出之間表裡相熱致小便不通急可與疎通劑

小便不利

●導赤散指直治疹出未出小便不利者

生地黄

木通

各二

甘草

黃芩

各一

右四味水煎○活幼無黃芩有麥門車前子

茯苓燈心草

●六一散方在上

○泄瀉

麻疹泄瀉者常候也熱毒依之得開洩醫誤而不可投止澁之藥也醫鑑曰疹泄瀉多屬熱寒

瀉者十中無一偶有傷食傷冷者不得已可與理中湯也

●外麻澤瀉湯鍵熱毒下行則自利此湯主之

猪苓

沢瀉

滑石

茯苓

甘草

黃連

升麻

右七味水煎

●四苓散通治泄瀉小水短瀯者

木

茯苓

猪苓

沢瀉

加木通

滑石

右水煎○活幼無滑石

泄瀉

痢疾良方

二十三 昇僊階藏

有車前子而益元散調服

●加味四苓散活泄瀉糞黃臭穢小便赤瀝痘

疹色紅紫者主之 猪苓 木通各八分

沢瀉 茯苓各七分車前子炒黃連

黃芩 牛旁子各五分右燈心一團水煎

●枳殼湯通治瀉利窘迫而腹痛脹牽或噯氣

如敗卵者 厚朴 陳皮

枳殼 甘草 右水煎温服○依飲食

停滯者加山查子麥芽木通

●黃芩芍藥湯鍵毒甚則裏急後重而滯下宜

此湯 黃芩 芍藥 升麻各二分

甘草一錢黃連 生地 木通

當歸 人參 枳殼 右水煎或加

大黃○準繩無升麻名銅壁山人黃芩湯

●葛根黃連黃芩湯傷

葛根大 黃芩 黃連各中 甘草少

麻杏石甘湯

二十四 昇僊階藏

右水煎

●理中湯同因傷食傷冷而泄瀉者主之

人參 朮 乾姜 甘草

右四味水煎

●胃苓湯通治泄瀉虛寒者

依本方去蒼朮加煨姜水煎

疹出自利不止最為惡候然遍身稠密或紫紅色者則又無妨蓋毒為在腸非瀉不解宜此湯

●平胃散

朮 厚朴 甘草 陳皮

加葛根 連朮 右水煎溫服疹發透而

自然瀉止若收而瀉不止者毒為未盡再依前方加連朮黃連牛蒡子木通沃瀉以分利之切不可用訶子肉蔻等之藥

●乾薑黃連黃芩人參湯通治瀉久而成痢者

乾姜 黃芩 黃連 人參各二兩

痢疾

右四味水煎

● 黃芩湯 傷 疹正沒而後下利白色者主之

黃芩 大 芍藥 甘草 各中 大棗 小

右水煎○或加防風枳殼

● 白頭翁湯 同 治便膿血者

白頭翁 二 黃連 黃檗 秦皮 各三

右四味或去檗加防風水煎

○痢

疹後痢疾餘毒在大腸也實者三黃丸利之虛

者香連丸和之養血行氣宜黃芩湯

● 三黃丸 方在上

● 香連丸 鍵

黃連 一兩以吳茱萸五兩相俛浸滾水

木香 三兩 右俛為末用醋糊為丸白湯送下

● 黃芩湯 同

黃芩 黃連 當歸 川芎

嘔吐

麻疹良方

二十一 嘔吐

人參

木香

青皮

枳殼

枳椇

甘草 各等分

右水煎或益元散調服

○嘔吐

初起嘔吐者順候也疹正出及正沒時見嘔吐者以消毒飲加枳實黃連初起突嘔者毒為不得開洩也宜葛根解肌湯及消毒飲

●消毒飲

方在上

疹多者加貝母枯萋根○肌不燥唇色淡白

二便如常而不透者加連翹木通車前茯苓

●小半夏湯

金匱治嘔吐

生姜

半夏

右二味水二盞煮取一

盞溫服○渴小便不利或心下悸者加茯苓

●竹茹石膏湯

鍵

熱毒內逼則上行嘔吐此湯

主之

陳皮

半夏

石羔

竹茹

茯苓

甘草

右水二盞煮取一盞

麻疹良方

二十一 嘔吐

渴

●石斛清胃散 通 治疹沒後嘔者胃中熱滯也

石斛 茯苓 牡丹皮 枳殼

扁豆 藿香 橘皮 芍藥 各等分

甘草 減半 右生姜水煎

○渴

初發渴者表裏俱熱故也發表藥中加石羔天花粉麥門冬之類或與葛根麥門冬散甚者白虎湯解毒湯主之隨見症可撰用以下方中渴

多胃熱也胃熱不解則疹沒後必有牙疳患也

●葛根麥門冬散 準

葛根 麥門冬 各一分 石羔 升麻

芍藥 甘草 茯苓 人參 各五分

右八味加沙竹葉七片水三盞煎七分○景岳無竹葉人參名萬氏麥門冬湯治內熱咳

嗽及心神煩悶者

●白虎合解毒湯 同

麻疹良方 二十 鼻傳降痛

石羔 四钱 知母 天花粉 黄芩

黄連 各一钱 山旆 各一钱 生地黄 麥門 各二钱

沙竹葉十片 水二盞煎一盞更入犀角屑

● 白虎湯 治渴而煩燥者或加竹葉麥門

● 竹葉石羔湯 治同上 以上二方在前

● 門冬甘露飲 通 治唇口俱紅二便秘瀉熱甚

而渴者 玄參 黄芩 括蕞根

連壳 各一钱 甘草 五分 燈心 北莖 竹葉 北片

麥門冬 二钱 右水煎温服

● 七味白朮散 同 二便清利唇色不紅而渴者

主之此必依寒涼大過也去木香加粳米

人參 白朮 藿香 木香

茯苓 甘草 各五分 葛根 一钱

右水煎或為末米飲調下

痘科鍵曰若恣飲冷水而為咳嗽者宜用葶

藶○為腫脹自利者為嘔噦者俱宜用猪苓

麻疹良方 二十九 鼻傳降痛

咳嗽

沃瀉茯苓○為驚悸者宜茯苓木通○為腹
痛者用莞花○小便不利陰囊腫用車前子
木通

○咳嗽

疹初發咳嗽者順也咳則疹易出發透則其咳
自己宜清涼滋潤之劑○疹後咳嗽者餘邪未
退也治療疎則荏苒而生他症宜撰用清肺清
金瀉白清咽滋肺等之類

●清肺湯

春回

治咳嗽連聲咽喉痛或声不清者

黃芩

大

桔梗

茯苓

陳皮

貝母

桑白

各中

當歸

各小

山梔

天門

杏仁

麥門

各小

五味

甘草

少

右生姜水煎或加薄荷

○清咽滋肺湯

通

治欬盛咽傷或瘖者

玄參

大力子

荆芥

萎蕤

貝母

枯蕒根

桔梗

馬兜鈴

若無代苛

麥門 甘草少 右水煎

● 生地黄散陳氏 疹身熱口乾咳嗽心煩主之

生地半匙 麥門 杏仁 款冬

陳皮各三 甘草二匙 右水一盞煎六分温服

● 射干消毒飲通 治麻疹欬嗽声瘖而咽喉腫

痛者 射干 玄參

連壳 荆芥 牛房子各等分

甘草減半 右六味水煎温服

● 加味瀉白散鏈 咳嗽口乾心煩者毒未盡也

桑白皮 地骨皮 甘草各等分 竹葉廿片

燈心三十根 天花粉 連壳 玄參

黃連 右水煎

● 清肺飲同 疹退後微々咳嗽者主之

麥門 桔梗 知母 荆芥

天花 石菖蒲 訶子肉 右水煎

● 清金湯 治疹後声啞不出或咳嗽喘者

麻木... 三十一... 昇... 閣... 藏

喘附氣促

麻疹良方

三十一身保良方

黃芩

玄參

貝母

麥門

天花粉

桔梗

芍藥

甘草

右生姜水煎

●清金降火湯景岳疹退而声啞或咳喘身熱等

者主之

當歸

芍藥

生地

陳皮

貝母

瓜蒌仁

茯苓

甘草

黃芩

山梔子

玄參

桑白

杏仁

石羔

黃連

天門

麥門

蘇梗

各等分

右水煎或加竹瀝薑汁亦可也

○喘附氣促

喘大便硬結小便赤澀身有壯熱者易治小便清利大便溏泄身無大熱者多難治疹出或未出而喘者易醫疹沒而喘者難治喘而無涕鼻扇者不治初發喘者宜三拗湯竹葉石羔湯等之類沒後喘者多屬虛宜清咽滋肺清肺瀉白

麻疹良方

三十一身保良方

氣促

之類

●麻黃杏仁甘草石羔湯傷治壯熱咳喘渴者

麻黃 杏仁 甘草 石羔

右水煎

●竹葉石羔湯通治壯熱大便結燥小便赤澀

喘者依本方去半夏加瓜蒌貝母甚者麻黃

●白虎湯同治喘而鼻乾口燥者此湯効捷也

疹沒而喘者禁用之○或加麻黃

●三拗湯局治初發時喘者

麻黃 杏仁 甘草各一

右姜枣水煎

○氣促

疹已出未出之時氣促者宜發表剝疹沒後發者為不易治也喘与氣促治方大都相同唯有輕重強弱耳

●清熱透肌湯通初發正出時見氣促者主之

搐搦

麻痺良方

三十三身傳隱症

●清咽滋肺湯同疹正没及没後氣促者主之

●除熱清肺湯同治喉中有痰而鳴者此症必

在初發正出之間 石羔大 黑參

生地 芍藥 貝母 桔萸各小

麥門中 甘草少 右生姜水煎

○搐搦

初發未透之時有搐搦者宜清熱透肌湯加瓜

蒹仁竹葉或有驚痾而發搐者宜排毒劑加天

麻姜蚕蟬退全蝎疹没而後見者為難治不可

漫用金石之茶二方俱在上

○咬牙

初起發熱發驚痾咬牙者宜排毒劑加天麻姜

蚕蟬退薄荷全蝎主之發渴手足熱喜冷飲而

咬牙者宜加味麥門冬湯手足無熱及厥冷喜

熱湯者重咽間痰声鳴者不治

●排毒劑在前

麻痺良方

三十四身傳隱症

咬牙

● 加味麥門冬湯 通

當歸 芍藥 生芩 麥門

加牡丹皮 右水煎

○ 咽喉

咽喉腫痛不能飲食者火毒鬱而上薰咽喉也
不可妄用鍼出血外十全散玉鎖匙可吹之

● 桔梗湯 傷 治咽喉腫痛加玄參牛房子連壳

甘草 二錢 桔梗 一錢 右二味水煎

● 玄桔湯 玉案 治咽喉腫痛

以前方加天花粉竹葉生姜水煎溫服

● 加味甘桔湯 治疹子多出咽喉而引干齒

痛苦者 芍藥 桔梗 甘草

麥門 玄參 山豆根 青黛

黃栢 天花粉 右水煎含飲之

● 利咽解毒湯 活 治疹欲出而咽喉腫痛不能

飲食者 山豆根 麥門 各一錢 鼠粘子

咽喉

玄參 桔梗各七分 防風五分 甘草一分

右生姜水煎含飲之○保赤名利明湯

●十全散準

黃芩 黃連各二 黃柏酒炒 苦參各一

礪砂 乳香 雄黃 兒茶各二分

玄妙粉三分 片腦少許 右俱研末每用五厘吹

之○痘科鍵無玄妙粉有延胡索

●玉鎖匙準

礪砂一 芩 朴硝五分 殭蚕一條 片腦半分

右研細用蘆管吹之

咽喉腫塞、茶食俱不通者刺商陽及尺澤

○眼目

眼目赤而腫痛者多風熱上壅也用導赤散加

荆芥牛房子玄參輕者生犀散主之

●導赤散直訣

生芩 木通 甘草各一 竹葉一握

眼目

麻疹良方

三十六昇 價 醫 藏

右四味水煎○一本無甘草有黃芩

●生犀散同目赤紅而熱者主之

生犀角 地骨皮 芍藥 柴胡

乾葛各一 甘草半 右水一盞煎七分

●苾胡飲子通治為風熱所侵而眼眶赤者

苾胡 羌活 防風 芍藥

桔梗 荆芥 生地各一 甘草減半

右八味水煎熱服

●加味瀉白散同治疹沒而後眼中見紅赤者

桑白皮 骨皮各一 甘草五分 荆芥

薄荷 玄參 牛房子 右水煎溫服

○眼閉不欲開者加連翹木通

●羚羊角散景岳治斑疹後餘毒不解上攻眼目

羞明雲翳眵淚俱多紅赤腫閉

羚羊角 黃芩 草決明

車前子 升麻 防風 大黃

麻疹良方 三十六昇 價 醫 藏

耳

麻痺良方 三十七 鼻傷腫痛

芒硝 各等分

右水一盞煎半盞熱服

○耳

●家方清上湯 治疹後耳出膿水痛痒甚者

當歸 川芎 防風 薄荷

桔梗 白芷 連翹 黃芩

甘草 或加蟬退玄參 右水煎

●通竅飲子 疹後耳聾不聞者主之

知母 黃栢 黃連 柴胡

木通 山梔 玄參 右水煎

●荆芥連翹湯 治熱在上焦而兩耳腫痛者

荆芥 連翹 防風 當歸

川芎 芍藥 羌胡 枳殼

黃芩 山梔 白芷 桔梗 各等分

甘草 減半 右水煎溫服

●防風通聖散 亦主之

○鼻

麻痺良方 三十八 鼻傷腫痛

鼻

口唇舌

● 荆芥連堯湯 疹後鼻塞不聞香臭者主之
耳病門方中去枳壳加薄荷生芩

○口唇舌

唇舌破裂而其色赤者以白虎湯加黃芩黃連
玄參荆芥薄荷主之疹沒後見者難治

● 清胃散

通口氣臭穢濁者主之

生地

四錢

升麻

一錢

牡丹

五錢

當歸

黃連

各三錢

加石羔連堯甘草水煎溫服

舌上生胎白虎湯加生地玄參麥門竹葉主之
黑胎乾燥者危候也

○牙齒

牙齒齧肉腐爛者急不治則至危症後方主之

● 加味清胃散

通

於口舌門方中加荆芥犀角水煎

● 加味四物湯

景

治疹後牙根腐爛鼻衄血行

並諸失血者主之

芽齒

麻疹良方

三十九 昇傳醫

依本方用生地加犀角木通茵陳升麻青黛黃栢水煎此湯以利小便為度

●當歸散 通牙疳腐爛大便秘者主之

當歸 芍藥 各一 川芎 五分 大黃 三 分

甘草 五分 右生姜水煎溫服

●祿袍散 同治一切口瘡腐爛

荆芥 薄荷 青黛 各三 甘草 一 分

硼砂 玄妙粉 各二 百藥煎 二 分

右為細末點舌上令自然化

●文蛤散 治疹後牙齦黑爛血出而頰浮腫

名走馬疳此方主之

雄黃 五 分 五倍子 二 分 枯礬 八 分 登退紙 燒 一 分

右俱為末米泔水洗淨搽

●雄黃散 同治同上

雄黃 一 分 黃栢 麝香 各 半 分

右俱末艾葉煎湯洗滌搽之

麻疹良方

四十一 昇傳醫

驚悸

●馬鳴散 景治走馬疳

人中白

五倍子

一馬鳴退

二羌牛即
蚕退紙也

枯白礬

二羌

右細末以米泔水洗淨持之

●無比散 通治疹後牙疳腐爛者

栗根白皮煎湯漱淨取黃牛糞燒存性入龍

腦少許研細吹之

●燒鹽散 同治牙疳腐爛者

取椽斗大者實鹽滿殼合起鐵絲紮定燒存

性以碗覆地入麝香少許研末敷之

○驚悸

●安神四物湯 鍵治煩燥驚悸乱言妄語者

當歸

川芎

芍藥

生地黃

麥門冬

酸枣仁

燈心草

淡竹葉

石菖蒲

龍胆草

茯苓

辰砂

黃連 右水煎或俱為末用煎餅猪心血

為丸亦可也或名加味四物湯

浮腫

麻疹良方

四十二昇傳醫藏

●加味升麻葛根湯同合辰砂益元散効如神

●辰砂五苓散同治麻疹驚悸者或泄瀉或小便不利者

水不利者

黃芩

黃連

木

茯苓

猪苓

沢瀉

燈心草

右水煎臨服朱砂攪調

●黃連安神丸準治疹後驚悸乱語者

黃連

當歸

龍胆

各二

石菖蒲

茯神

各一

全蝎

七筒

右為細末用蒸餅猪心

血為丸朱砂為衣燈草湯送下

●竹葉石羔湯一本堂曰治疹後見熱短氣

煩燥謔言妄語或咳嗽嘔吐或煩渴者

●酸枣湯金治疹後驚悸不得眠者

酸枣仁

知母

茯苓

川芎

或加石羔亦加黃連

右水煎

○浮腫

疹後面目浮腫小便不利者宜後方

麻疹良方

四十二昇傳醫藏

不食

麻疹良方

四十二身傳陷痛

●加減胃苓湯

陳皮 猪苓

澤瀉

木瓜

朮 厚朴

山查

砂仁 各七分

甘草 三分

右生姜水煎

○不食

●七味白朮散

治二便清利唇色不紅而渴

或食不進者此多依寒涼大過也

方在渴症

●香砂異功散

飲食無味食則已飽者主之

香附

砂仁

白朮

茯苓

陳皮

人參

甘草

右水煎溫服

加味四物湯

疹後食不進者用此方必能

食 依本方加神曲砂仁陳皮升麻麥門

○腹痛

腹痛多依火毒內營大便秘結口臭不可近者

宜黃連解毒湯○又有傷食虫積者可考辨

●厚朴湯

通治疹後腹痛時痛時止者

麻疹良方

四十三身傳陷痛

腹痛

麻疹良方

四十三身便閉

陳皮 厚朴 茯苓 乾姜

甘草 右水煎○或加炒黃連

○調理

疹後調理宜撰用四君子六君子異功散養胃湯之類餘熱微々不退荏苒而日久則髮焦膚槁變為勞熱之症醫士不可忽略

● 芘胡麥門冬散準 治疹收而後微熱不退者

芘胡五分 龍胆三分 麥門八分 甘草二分

人參各半 右水煎溫服

● 芘胡四物湯同 治疹退而日久餘熱不退髮

枯毛豎肉消骨立漸々羸瘦者

芘胡 人參 黃芩 當歸

川芎 生地 芍藥 地骨皮

知母 麥門 淡竹葉

右水一盞煎七分去渣溫服

● 一本堂曰麻疹餘熱不退者以小柴胡湯加

麻疹良方

四十一身便閉

調理

麻疹良方

四十四 昇傳降毒

當歸川芎芍藥生芩紅花山柃○口渴咳嗽者麥門生地天花粉○血症天花知母阿膠

●蘆薈肥兒丸鍵治疹收反發熱自若而晝夜

不退者

蘆薈

龍膽

蚶皮

蝦蟇也

人參

麥芽

史君子

木香

各二分

檳榔

黃連

蕪荑仁

各三分

胡黃連

各五分

加當釵

連壳

右俱為末糊丸○景岳蚶蟻作土鱉

●錢氏白朮散活龜溪道三先生曰疹後微熱

不止者主之

人參

白朮

茯苓

甘草

乾葛

各五分

木香

二分

老姜一片水一盞煎半盞

○婦人熱入血室

初發壯熱之時經水適來發狂妄想言語錯亂者為熱入血室輕者加味茈胡湯主之甚者桃仁承氣湯主之

婦人熱入血室

麻疹良方

四十五身價降痛

●加味芪胡湯

芪胡 黃芩 半夏 牡丹皮

山梔 甘草 生姜 右水煎

●家方八物解毒湯 治產後麻疹或脫血者

當歸 川芎 芍藥 生地黃

黃連 黃芩 黃柏 山梔子

右水二盞煎一盞○或加牡丹皮連壳

○妊娠

麻疹初起發熱甚而蒸胎胎多受傷而隨胎速
可與安胎清熱之劑也母實則始終無恙蓋疹
與痘異痘宜內實胎落則母亡疹宜內虛胎去
而母存矣

●安胎四物湯

依本方用生地加白朮條芩艾葉水煎溫服

●加味四物湯

依本方加升麻黃連黃芩砂仁水煎

麻疹良方

四十五身價降痛

妊娠

若胎氣上冲者急用苧麻根艾葉煎湯磨生栲
椰子攪和之服更多服煎茶而得安全

○餘毒癰

疹餘毒聚成腫塊或寒熱往來或骨節疼痛者
宜後方急不治則聚頸項及肩肱之間為癰
之疾不可不慎

●排毒劑

依本方加防風荆芥連堯白芷

疹退而後發癰毒或肢節疼痛者宜羌活散微
利微汗以治之

●羌活散

羌活 穿山甲酒炒各 大黃重實者

白芷各五 甘草一 一葉金三條去足

全蝎五箇 乳香二 右俱為末每服一

加牙皂一以溫酒送下發汗為度

●仙方活命飲回 餘毒為腫塊痛或不痛成膿

一葉金
雖未詳
今出千
此兩待
後者勘
考

麻疹良方 四十一 身傳隱毒

未潰者主之 金銀花 陳皮

皂角刺 沒藥 貝母 防風

白芷 芍藥 當歸 乳香

甘草 天花粉 穿山甲

右水煎好酒少許加之

餘毒聚成腫塊成膿或潰而不收口者可撰用托裏排膿之劑也

○飲食禁忌

○疹出雖輕於痘然飲食禁忌比痘家則尤甚若誤食雞魚則終身肌膚粟起遇天行又當重出○誤食猪肉則後遇出疹必患下利○過食鹽醋咳嗽則後遇出疹必復咳嗽○食五辛則不時驚熱也○葷腥酒麩生冷水菓咸須禁之○飲食必待五十日或百日後方無禁忌○順候輕症辨

麻疹良方 四十一 身傳隱毒

○初發熱甚而明日緩疹次第出者順○發熱三四日而漸出者輕○或熱或退五六日而後出者輕誤作瘡而不可治○初發無熱而出疹者稀有之不可不辨○初起乾咳連聲者順○初起有微汗者順○初起微衄者輕○初起大便瀉者輕醫士誤用止瀉之藥則邪氣閉塞災害並來或疹雖無恙余邪引日而生他症不可不慎○初起渴者不苦○疹已出而紅潤澤

者順○疹頭面多出者順○疹紅潤而尖聳者順○疹出三日而沒者順○疹六日而出齋七八日而自沒熱自解者順

○不順重症不治候

疹先出而後熱來者逆○疹出而熱不解者逆○疹頭面不出者逆○冒風沒早者重○疹出忽然沒悶亂者重○疹出紫暗黑者重○疹黑暗乾枯一出即沒者不治○泄瀉變痢者重○

疹小便不利者重○疹大便自利不止者凶○
疹沒而後壯熱不退者危○咽腫不食者重○
疹後搐搦小便短少者難治○咬牙手足厥冷
喜熱湯者危○吸氣弱呼氣強者不治○口氣
臭不可近者不治○鼻扇口張目無神者不治
○鼻青、鼻黑者不治○牙疳鼻爛者不治○疹
沒後喘者難治○喘而無涕鼻扇者不治
麻疹良方終



旭菴吉田先生著述

麻疹良方 出来

痘瘡活法

九臟決疑

十候論

醫事謾筆

右追々刊行

江戸白銀町二丁目

書肆

須原屋善五郎

